

maius tempus existerent preparata, tantorum annorum circulis rite viuabant. Deinde propter virtutes, & gloriosas vtilitates, quas iugiter pericrutabantur, id est, Astrologiam, & Geometriam, Deus eis ampliora viuendi spacia condonauit, quæ non edificere potuissent, nisi sexcentis uiuerent annis. Per tot enim annorum curricula magnus annus impletur. *Rursus in eodem lib. cap. 15. Abrahamum virum iustum, & magnum, in celestibus rebus expertum nominat. Et cap. 16. testatur, eum primum instruxisse Aegyptios in Arithmetica, & Syderu scientia. Ita n. de eo scribit. Arithmeticam quoque eis (id est, Aegyptijs) contulit, & quæ de Astrologia sunt, ipse contradidit. Nam ante aduentum Abraham in Aegyptum hæc Aegyptij penitus ignorabant. A Chaldæis enim hæc plantata noscuntur in Aegypto, unde etiam peruenisse noscuntur ad Græcos. CONSTAT igitur Astronomiam scientiarum esse antiquissimam, cum ante diluuiū, immo sub initium mundi exiterit, ut iure optimo cum omnibus alijs artibus, ac scientijs de antiquitate possit decertare, quandoquidē nullā legimus fuisse antiquiorem. Hinc fit, ut ij auctores, qui in historijs leguntur fuisse primi Astronomiæ inuentores, ipsam potius iam diu inuenta, immo a primordijs mundi exortam illustrasse, nouisq; additionibus adauxisse censendi sint, quam ad inuenisse; & ob id primos eos huius discipline auctores appellatos esse.*

CAETERVM cui potissimum hæc inuentio, seu potius amplificatio Astronomiæ sit adscribenda, magna inter auctores fuit semper controuersia, & adhuc sub iudice lis est. Quidam enim eam attribuunt Aegyptijs; Quidam Assyrijs; Quidam Babylonijs; Quidam vero eam primum ab Aethiopijs inuentam fuisse asserunt, eo quod sub Aequinoctiali circulo degentes serenissimo semper cælo fruuntur, ex quo facile syderum cursus obseruare possunt. Non inficiantur tamen hi auctores, Aegyptios eam postea magis perspicuam, illustrioremq; reddidisse. Neq; vero desunt, qui Atlantem huius discipline primum inuentorem faciunt, voluntq; inde fabulam illam originem traxisse, ipsam videlicet humeris suis cælum sustinuisse, quod primus cursum Solis, & Lunæ, syderumq; omnium conuersiones, rationesq; vigore animi, solertiaq; curasset tradendas hominibus. De quo sic scribit Diodorus Siculus lib. 4. Ferūt Atlantem Astrologiæ fuisse peritissimum, deq; sphaera primum inter homines disputasse; qua ex re visus est Cælum